

雙

鍾

記

上

蘇子學


雙
錘
記

古本戲曲叢刊五集

據北京大學藏清
康熙刊本景印原
書版匡高一九四
毫米寬一二〇毫
米

雙錘記

每讀遷史至博浪沙椎擊一節



未嘗不掩卷而歎何也惜其將此一種莫大奇功掀天豪舉竟失傳操椎壯士之姓名吁此一

擊也真也假也有其人也無其
人也子房力不勝衣形如處子
安能獨運重椎擊大君於羽林
蜂擁之際且來似奔雲去若飛
電十日索之而不得天下匿之

而有餘則徂擊者確乎非子房
而另有其人也若無其人焉有
其事抑子房妬功而不傳歟或
老遷忌才而抹殺歟吾不得而
論也偶於禪史中有逢人笑小

說內載琉球國力士稱王一段
則云操椎之人爲陳大力余見
而點首叫快曰我之向來不服
肝腸今日有人道破何不偕此
作題留一擊椎人之面目爲天

下暢雙鍾記之出益爲此也又
有說者先於南省見赤松記傳
奇一冊內以椎擊之人爲項伯
噉乎項伯英雄或亦想像況與
子房交好鴻門宴上常以身翼

沛公揣摩之間似亦有理然而
既爲楚國之臣反爲漢家奔喪
即此一點念頭吾則寧取大力
不取項伯所以雙錘記中之大
力較逢人笑中之大力意氣更

增千倍擊樵之人定非凡品其
靈自在紫炁玉樓中三島九州
外儻一旦神遊至此見此形容
當必笑而指之曰管日姓名肖
貌出處行藏全不類是何物狂

夫唐突前輩英雄若此吾則應
之曰傀儡場中邯鄲道上說烏
有先生作蕉鹿大夢者自古至
今不知幾億萬萬

看松主人自題



雙鍾記上卷 一名合歡鍾

目錄

開場

俠邁

錦陣

仙期

東遊

臨懼

擾境


覓配

奮擊

丹侮

進履

借探



奸合

送鍾

得鍾

潰奔

悞約

猴整

雙鍾記上卷

一名合歡鍾

第壹齣

開場

水調歌頭

癡兒常怨命。志士也尤天。今春書事。計

多成敗。正堪憐。也有愚庸奮發。也有英豪淹蹇。笑罵
豈徒然。馮唐終自老。李廣不侯遷。識得破。讓得過。
恐須堅。憂愁思慮。勸君切莫爲他牽。須信人生如夢。
又道人生如寄。鎮日擎杯。僅百年。傳中事。出逢人笑。
意內聊增鬧裏禪。

沁園春

大力雄豪。娥英節俠。玉振金聲。憤強秦無道。挺身奮擊。副車悞中。乞隱偷生。韓士張良。圯中進履。黃石書傳。四海平。遭烽火。琉球弱女。異國守堅貞。軍情。奸臣跋扈。鄰寇交連。起勁兵。把獼猴藥死。孤城絕救。女王無策。自欲捐生。幸得赤松指渡。設謀計賺。一夜如風拔衆營。雙鍾並。詔封合卺。夢裏說分明。

擊不中秦始皇雙鍾無用

打合成兩俠女雙鍾有權

大英雄失運時。雙鍾入海。

真俊傑得志日。雙鍾上天。

第貳齣

俠邁

江陽

正宮 齊天樂 生箭永壯帽上。一腔義氣高千丈。不作斯

文模樣。百鍊鋼錘。千鈞膂力。慢說屠龍伎倆。雄心自
想。這炯炯光眸。巖巖氣度。難道今生。只此狂歌村市
了行藏。

鷓鴣天 千尋俠氣五車書。不事毛錐不荷鋤。一劍

未磨徒悵惘。雙鍾欲舉重躊躇。悲冷熱。歎居諸。

蕭條計業少伸舒。要開青眼尋知己。無奈當今盡

冠狙。小子陳國後裔。卽以國而姓陳。生來力可拔

山。遂借名爲大力。椿萱已喪。因國破併及家亡。枝

派寂寥。想覆巢豈容完卵。日今一統歸秦。萬邦祀

絕。銷兵革以鑄金人。欲使千秋垂拱。築長城而屏

遠塞。坐收萬里風烟。讀書種子。盡歸幾片鋤犁。古

法井田。悉付一場阡陌。又且東遊海澨。西歷崑崙。